



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

27. Dies Novemb. Frustrà extra Deum quæritur, quod in illo invenitur. S.  
Augustinus libr. Confess. cap. 12.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

omnem æternitatem sit duratura : nec enim morte terminatur, aut interrumpitur, sed progreditur ex hac vita in alteram, ut ibi perennet æternum. Denique, si beatitudo est complementum omnium desideriorum, quanta est felicitas illius, qui nihil vult aliud, quàm quod Deus. Videt hinc talis expletam omnium desideriorum suorum expectationem : quidquid deinde desiderat, quidquid desiderare potest, illud universum pro voto ipsius, modo quodam admirabili semper impletur, quoniam suam voluntatem penitus abnegando, unamque & eandem voluntatem cum Deo habendo, hac ratione tantum proficit, ut semper faciat voluntatem suam, quæ sine dubio causa est lætitiæ prorsus singularis : quod enim potest esse majus gaudium, quàm impleri semper suum desiderium : præsertim cum sciat suum desiderium summè placere illi, qui est totus desiderabilis? O quàm dispar est hoc gaudium, cum illo altero gaudio, quod est plenum solliciti timoris, trepidæ anxietatis? quia sequitur desideria cordis sui. Tale gaudium est æternæ tristitiæ præludium. Ad hoc alludit Poëta, dicens:

*Hoc est consuetum, comitantur tristia lætum.*

## 27. DIES NOVEMB.

frustrà extra Deum quæritur, quod in illo solo invenitur. *S. Augustinus libr. Confess. cap. 12.*

Deus est  
admira-  
bilis.

**U**T unum quæramus bonum, in quo sunt omnia bona, deberet esse tota nostra occupatio, hoc officium, hoc gaudiū, hic labor noster, ad hoc invigilare decet intellectum nostrum,



nostrum, hoc nostræ pabulum sit voluntatis, in hoc exultet cor, & caro nostra; huc advocemus virtutem nostræ; in hoc impendatur, & superimpetur, quidquid sumus, & possumus; desideria nostri affectus nostri, robur nostrum, omnisque substantia & vita nostra. Ecquâ enim in re utilius collocamus ætatem, & consumamus omne esse nostrum, quàm ibi, ubi totum, & omne esse reperitur? Quam quantæ, quamque eximiæ felicitatis est, tam sublimem Essentiam posse admirari? cor nostrum merito purissima semper voluptate deberet diffluere, vel solâ recordatione hujus unius felicitatis, quod nobis sit liberum Deo, dum lubet, placere: hæc deberet esse nostra non modò summa, sed sola gloria, quod Dei simus, & cur non perpetuò attoniti ambulamus, & quasi impotes nostri præ exuberantis gaudii copia, toti lætitiis incedamus, ipsius magnitudinem, & bonitatem considerantes, atque excellentissimum illud esse, quod nullam habuit originem, amantes!

II. Esse illud infinites admirabile, quod æternum sit, est trinum, & in summa sua unitate complectitur trinitatem, miraculum miraculorum, quod per omnem æternitatem perpetuam, maximamque movebit admirationem. Esse tam infinite bonum, ut totum id quod est, Pater communicarit Filio, & Filius ejusdem cum Patre bonitatis, dederit peccatoribus. Esse tam bonum, ut nec punctum ullum temporis cessare potuerit à communicatione sui ipsius, aliter admirabili bonitatis suæ ne utiquam facturum satis. Esse omnipotens, quod res omnes ex amore, & nihilo condidit. Esse tam Sapiens, ut in bene nobis faciendo errare non possit. Esse tam immen-



sum, ut abesse à nobis nequeat, quodque nos, quo-  
quò eamus videt, quæque petimus, exaudit. Esse  
tam immutabile, cujus pulchritudo non potest ex-  
olefcere, neque benevolentia deficere. Esse simpli-  
ciffimum, in quo sine inquietudine ulla, & impedi-  
mento, bonum omne possidemus. Esse tam justum,  
& misericors, quod ut misericordiam exhiberet, pe-  
perit hominibus, (a) *tamen proprio Filio suo non pe-  
perit.* Esse æternum, quod nobis intermori non po-  
test. Esse fideliffimum, cui etfi nos fidem datam  
fieverimus, promiffiones tamen nobis factas accu-  
ratè præstat. Esse tam amans nostri, ut miseras, in-  
firmitateque nostras tolerare sustinuerit. Esse quod  
omni ei quod est, dat tuum esse, quod cælos susten-  
tat, per quod elementa permanent, plantæ vivunt,  
animalia sentiunt, homines ratione utuntur, Angeli  
intelligunt.

III. Quid pluribus? Esse tam bonum ut non ob-  
stante illius magnitudine immensa, auctoritate infi-  
nita, Majestate suprema, tanta tamen ipsius benigni-  
tas sit, ut hominis causâ, per se ipsam fructus matu-  
ret in arboribus, panem præparet in spicis, potum  
moliatur in fontibus, vinum coquat in vitibus, ve-  
stem componat in agris, byssum suppeditet in bom-  
bycibus, ceram fingat in apibus, sapor ancilletur in  
avibus, piscibus, quadriipedibus; seque ob creatu-  
ras tam humiles, submittat ad officia humillima. Es-  
setam bonum, quod includit in se omne bonum, à  
qua oritur omne bonum, unde nata est omnis pul-  
chritudo, unde promanavit omnis justitia, unde  
pendet omnis potentia, unde originem ducit omnis

Ooo 3

Sapien-

(a) Rom. 8.32.



Sapientia, unde principium capit omnis (sua) vitas : quod est bonum super omne bonum, pulchrum super omnia pulchra, justum super omnia iusta, potens super omnem potentiam, sapiens super omnem veritatem, dulce super omnem saporem. Esse tantum, ut mori elegerit, quo viveret vilissima creatura : humiliari, ne vermiculus aliquis se extolleret, homo fieri, propter inimicum sibi & Divinitati suam fidiantem hominem, ut se denique dederit in cibum & sustentationem vitæ illius, qui mille mortes mereretur. Hi tot & tanti tituli, me ad amorem tanti boni, non suaviter inducunt, sed fortiter impellunt. Dic ergò cum Poëta :

*Est super omne Deus, Rex, Dominusque meus.*

28. DIES NOVEMB.

Modò tu Deus meus in Cælo, licet in æternum ego in inferno. *Gerardus inter ejus dicta.*

Dei Majestas, peccati enormitas.

**P**ergamus velificari affectibus erga auctorem omnium effectuum. Gratulor quantum possum rebus omnibus conditis, quod tam admirandum habeant, à quo processerunt, conditorem. Plaudant Cœli, quia suum comprehendere nequeunt creatorem : servent planetæ cursum suum, stellæ majora accendant luminaria, ut luceant huic luci incessabili, quæ formavit eas : exultent elementa, quia qui creavit illa, centrum est. & petitiō universi : mixta omnia, plantæ, animalia, homines, Angeli, diem festum agant, quia tam magnam consecuti sunt Regem, tam potentem Principem, tam bonum Patrem ? lætentur cœli, & terra